

Joachim Lütkemann

**Programma Quo Rector Universitatis Rostochiensis Joachimus Lutkeman ... Ad Exequias Quas Matri ... Catharinae Dumraths/ Hodierna media prima in templo Mariano, Vir ... Dn. Johannes Quistorpius, ... paratas cupit: Omnes omnium Cives Academicos officiose & amanter invitat**

Rostochi[i]: Kilius, 1647

<http://purl.uni-rostock.de/rosdok/ppn747431132>

Druck Freier  Zugang



Lutkeman, J.,  
in  
**C. Dumrath.**

Rost. 1647.

21.



*[Faint, illegible handwritten text on a light blue vertical strip on the right side of the page]*











PROGRAMMA

Quo  
RECTOR

UNIVERSITATIS ROSTOCHIENSIS  
JOACHIMUS LUTKEMAN,  
Theol. Licentiatus; Ecclesiastes &  
Professor Physices Metaphysicesq;  
Ordinarius.

AD EXEQUIAS

Quas

*Matri suae dilectissima, Matriona devotissima*

CATHARINÆ

Summaris/

Hodierna media primâ in templo  
Mariano,

*Vir pl. Reverendus & Excellentissimus*

DN. JOHANNES QUISTORPIUS,

S. S. Th. D. & Prof. Facultatis Senior & Mi-  
nisterij Superintendens, paratas  
cupis:

*Omnes omnium ordinum Cives Academicos  
officiosè & amanter invisas;*

—(o)—

ROSTOCHI,

Typis NICOLAI KILII, Acad. Typogr.

ANNO M. DC. XLVII.



PROGRAMMA

Quo

RECTOR

UNIVERSITATIS ROSTOCKENSIS

JOACHIMUS LUTKEMAN

Theol. Licentiat; Rector &

Profess. Physicæ Metaphysicæq;

Ordinaris

AD EXAMINANDUM

Quo

Magni Facultatis Rostockensis

CATHARINAE

Universitatis

Hodiernæ medicinae primæ in templo

Mariano

N. P. Rectoris & Rectoris

DR. JOHANNES QUISTORPIUS

S. Th. D. & Prof. Facultatis Senior & Mi-

nisteri Supervisorens pariter

capit.

Commissarius ordinis S. Mariae

Ordinis S. Mariae

1700

Rostock

Typis NICOLAI KILIANI

anno MDCCLXX





**L**ongævitas beneficium est, quo suis se Cultoribus commendat, cœlestis sapientia, Internuncio Regum sapientissimo, Proverborum capite 3, vers. 16. *Longitudo dierum in dextera eius, in sinistra opulentia & gloria.* Loci sensum petunt, ex antiquissima in digitis computandi ratione, cujus mentionem faciunt plurimi Scriptores, tum Ecclesiastici tum profani. Venerabilis Beda I. de Indigitat. eam ita recenset: *Cum dicis unum, minimum in leva digitum inflectens in medium palma figes: Cum duo, secundum à minimo flexum ibidem impones: Cum tria, tertium similiter inflectes: cum quatuor, eundem minimum levabis: cum quinque, secundum à minimo similiter eriges: Cum sex, tertium elevabis: Cum septem, minimum super palma radicem, ceteris levatis, impones: cum octo, medium: cum novem, impudicum è regione compones. cum decem, unguem indicis in medio pollicis ortu figes: cum viginti, summitatem impudici inter nodos indicis & pollicis arcuè figes: cum triginta, unguis indicis & pollicis arcuè conjunges: cum quadraginta, interiora pollicis lateri*

A 2

appli-



*applicabis: cum quinquaginta, pollicem ad palmam  
inclinabis: cum sexaginta, pollicem, ut supra, curva-  
tum, indice circumflexo diligenter à fronte præcinges:  
cum septuaginta, indicem, ut supra, circumflexum,  
pollice in longum extenso implebis. ungue sc. illius in  
medium indicis artum fixo: cum nonaginta, indi-  
cis inflexi unguem radici pollicis erecti infiges. At-  
que hætenus in læva. Centum verò in dextra, quo-  
modo in læva decem facies: ducenta, ut in læva vi-  
ginti &c. usq; ad nongenta. Item mille in dextra,  
quomodo unum in læva, & sic deinceps. Hæc ex  
annotationibus Bedæ adduximus, non quod  
magni faciamus hanc in digitis numerandi ar-  
tem, sed ut constet, quæ computationis differen-  
tia fuerit in manu læva & dextra. Minores nu-  
meros sinistrâ figurabant, majores dextrâ. Pri-  
sco hoc ritu considerato, quid erit: *longitudinem  
dierum continere in dextrâ; nisi mortem per plurima  
tempora differre.* Equidem hodiè si quis sapien-  
tiæ filius, pollicem curvatum indice circumfle-  
xo à fronte præcingit in læva, cum in annorum  
computatione multum progressum fuisse existi-  
mamus. Et quotus quisq; est, qui dextrâ suos  
computet annos? Idcirco, diebus hujus vitæ  
sapienter in Deo peractis, longos quos in cælo ex-  
pectamus annos addimus, laudaturi, illam lon-  
gævitatē, qua sapientia suos beat filios. Ter-  
rena*



rena bona si respicis, non tam dura est, cælestis sapientia, ut planè ea suis cultoribus deneget, sinistra tamen computat: vitam vero, illam puta, quæ in conspectu Dei vita est, dextrâ perimitur, qua interminabiles numeri conformari solebant. Quod quamvis in cælo potissimum consumetur, non tamen contemnendum beneficium est, si in hoc quoq; mundo sapientiæ Alumnis diurnam vitam divina clementia indulget. Si enim quodcumq; in hac vita agimus sementum est, quis dubitat largam messem securam, si diu multumq; laboravimus? *Quicquid enim semina verit homo, hoc et metet.* (Gal. 6, 7.) Vix quoq; credo, animus erit, tam ab humanitate alienus, ut desiderio aliquo jucundissimæ illius benedictionis non trahatur, quæ iis, qui Deum timent, est promissa: *videre filios ut plantas olearum, et natos filius nostris.* (Psalmo 128, 3. 6.) Quis igitur satis æstimare potest felicitatem Devotissimæ Matronæ CATHARINÆ *Dumraths*/ jam defunctæ, quæ, parum abfuit, quin annos suos dextrâ numerare cæpisset, attingens *octogesimumum quintum.* Vidit liberorum liberos triginta quinque; & ex his quinati fuerant, quatuordecim. Quibus si addas octo, quas ipsa peperit, animas, amplexa est liberos quinquaginta septem, ex suo sanguine formatos. Rarissimum benedictionis



divinæ exemplum Nata est beatissima hæc Ma-  
trona in horto nostro Rostochiano Anno 1562.  
Progenitoribus etsi non in mundo splendidissi-  
mis, honestissimis tamen, Patre HENRICO  
Dumrath / Alutario; Matre ANNA HALE-  
KEN, cujus ex fratre nepos Dn. JOACHIMUS  
HALEKE, Senator & Camerarius Rigensis pru-  
dentissimus adhuc est in vivis. Fratres emortuæ  
tres, ex quibus primus *Berge* in *Femaria*; secun-  
dus *Altenvorda* in *Dithmarsia* Ecclesiastes; ter-  
tius Scholæ apud nos trivialis Collega fuit; eam  
ad gaudia cœlestia præcesserunt. In pietatis rei-  
q; familiaris studio educata, ubi ad annos nobiles  
pervenit Anno 1582 nupsit Honestissimo & In-  
tegrissimo Viro JOCHIMO QUISTORPIO,  
Civi Rostochiensis. Quod conjugium vel hoc  
nomine felicissimum deprædicandum, quod fi-  
lium orbi Christiano protulit & educavit, cujus  
eminentissima eruditione, incredibili rerum-  
usu, & felicissimorum consiliis tum expeditio-  
nibus respublica nostra Rostochiensis fruitur &  
gaudet. Inter prolem enim octonariam hujus  
conjugii numeratur, Vir plurimum Reverendus  
& Excellentissimus Dn. JOHANNES QUI-  
STORPIUS, SS Th. Doctor & Professor Ce-  
leberrimus, Facultatis Senior, & Ministerii Su-  
perintendens Vigilantissimus, Collega noster  
hono-



honoratissimus. Vivat diu. Vivunt cum eo ad-  
huc duo Fratres HENRICUS & PETRUS, una  
soror CATHARINA. Quatuor cœlo jam sunt  
recepti. Conjugio ad annum vigesimum secun-  
dum protracto, moritur Maritus, Anno sc. 1604.  
Decennium integrum vidua, transit ad secunda  
vota, Anno 1614 nupta Viro Reverendo Dn. Ma-  
gistro BERNHARDO BOJEMO, Verbi Divini  
in Ecclesia quæ Christo in *Wittenborg* colligitur,  
suo tempore ministro. Hujus Frater conjugali  
amplexus est amore unicam filiam filii *B. Luthe-  
ri*, quod in memoriam Magni Prophetæ Germani  
negligi hic non debebat. Altero Defunctæ con-  
jugio post septendecennium Mariti morte ru-  
pto Anno puta 1631. filius ejusdem jam laudatus  
Dn D. JOHANNES QUISTORPIUS, eam ceu  
Matrem dilectissimā in ædes suas recepit, fovit,  
juxta cum conjugē, quæ non minus eam quam  
matrē fovit, aluit. O larga benedictio! *Honora pa-  
trem & matrem tuam, ut benè tibi sit, & prolongentur  
dies tui super terram.* Sed quid Matrona egit? temp<sup>o</sup>  
omne orationibus & divino cultui tribuit. Si  
nulla devotæ animæ oratio perit, quantum be-  
nedictionis thesaurum suis pia Matrona, preci-  
bus collegit domui Quistorpianæ! Ante obitum  
quatuordecim dies decubuit, Decumbens bea-  
tissimo animæ fatiscentis pabulo ex sanctissima  
Eucharistia recreari petiit; recreata in oratione  
san-



sanctorūq; gemituū devotione constans permā-  
sit, prolē ad tertiā usq; generationē multiplicem  
circa lectū consistentē, cū animi gaudio cōspexit,  
preces certatim recitantem audivit, eiq; felicita-  
tem & omnia bona exoptavit, donec advenien-  
te decretorio die, qui fuit tertius hujus mensis  
Februarii, qui ipse ultimam de corporis animæq;  
divortio tulit sententiam; æternitatis jam cupi-  
dissima beatam animam ē terrenis fœcibus e-  
mollientem Servatori tradidit, hora quarta ma-  
tutinâ. Ita & hæc vixit: diutissimè quidem, sed  
& minimè diu, nisi æternitati vixisset, & æter-  
num perennaturæ justitiæ. Ubi enim tot millia  
dierum, quos, durante vita, matrona hæc vidit?  
Fugierunt, evanuerunt, in æternum non reditu-  
ri. Nihil omnium superest, præter id quod Chri-  
sto Jesu vixit. Quia autem hodiè beatissimæ ma-  
tronæ exuvias telluri committet pietas Quistor-  
piana, cogitate cives Academici, quid Quistorpii  
virtus mereatur, quam ex merito prædicare, nec  
ego sufficio, nec hujus chartæ modus finit; suffi-  
ciat eam memori menti omnium tum Academia  
tum urbis civium inscriptam esse. Adeste ergo fre-  
quentes, & quod vir summus Dn. D. Quistorpius,  
una mecum petit, supremum humanitatis mu-  
nus matronæ piæ & beatæ exhibete, quæ huma-  
bitur in templo Mariano horâ mediâ primâ.  
Deus vos omnes florentes in Christo, valentesq;  
conservet. P. P. Rostochii die 5, Febr. Anno, 1647.



















honoratissimus. Vivat diu. Vivat  
huc duo Fratres HENRICUS & P  
soror CATHARINA. Quatuor  
recepti. Conjugio ad annum vige  
dum protracto, moritur Maritus,  
Decennium integrum vidua, tran  
vota, Anno 1614 nupta Viro Rever  
gistro BERNHARDO BOJEMO,  
in Ecclesia quæ Christo in *Wittenb*  
suo tempore ministro. Hujus Fra  
amplexus est amore unicam filiam  
*ri*, quod in memoriam Magni Prop  
negligi hic non debebat. Altero  
jugio post septendecennium Ma  
pto Anno puta 1631. filius ejusdem  
Dn D. JOHANNES QUISTORP  
Matrem dilectissimã in ædes suas  
juxta cum conjugè, quæ non mi  
matrè fovit, aluit. O larga benedic  
*trem & matrem tuam, ut benè tibi sit,*  
*dies tui super terram.* Sed quid Matro  
omne orationibus & divino cul  
nulla devotæ animæ oratio perit,  
nedictionis thesaurum suis pia Ma  
bus collegit domui Quistorpianæ.  
quatuordecim dies decubuit. De  
tissimo animæ fatiscentis pabulo  
Eucharistia recreari petiit; recrea

